



Шочмо эл, порылык да чын верч!

БУДЬ ГОТОВ /

МДЕ ЛИЙ

27-ше (3727) №,
2025 ий 11 июль,
кугарня



0+

1933 ий 1 февраль годсек лектеш.

Калыкын ончыкылыкшо – самырык тукум



2009 ий гыч тўналын таче кече марте Марий самырык тукум слёт эн чолга, эн тале ўдыр-эрге-влакым иквереш чумыра. Калыкым ончыко вўден кайыше еным кушта, мер паша дек кумыланга.

Тений погарня (марлаже слёт мут тыге кусаралтеш) 7-13 июльшто Звенигово олаште эртаралтеш. Тушко Марий Эл, Татарстан, Башкортостан республикла, Виче, Одо, Пермь, Свердловск кундемла да Тюмень ола гыч шўдў утла участник ушнен. Тений слёт Кугу Ачамланде сарыште Сенгымашлан 80 ий теммылан пўлеклалтеш.

Погарнян программыже тўвыргў. Ўдыр-рвезе-влак эр гыч кас марте лекцийым колыштыт, мастер-класслаште тўрлў арверым ышташ тунемыт, модмашыш чолган ушнат.

– *Слёт эртаралтме нерген колмеке, тушко ушнаш кумылем лийын. Тений шоньмашем шукталтын – мый участник радамыште улам. Ме тыште шуко у шинчымашым налына. Мыланем лидерство теме дене кылдалтше тунеммаш келиен. Лекцийым марий оньыжа Эдуард Васильевич Александров вўда, – ойла Параньга район Кугу Пумарий школышто 8-ше классым тунем пытарыше София Еремеева.*

Слётшыш ик гана толшо енг ты мероприятийыш ий еда ушнашак тырша. Теве У Торъял посёлко гыч Артур Еросланов Кужэнгер район Руш Шой школ пелен эртаралтше слётым порын шарна.

Умбакеже – 3-шо лаштыкыште.



София Еремеева ден Артур Еросланов.

Юл кундеммыште – сенгыше



28 июнь гыч 4 июль марте Мордовий Республикыште «Школа безопасности» регион-влак кокласе тангасымаш эртаралтын. Тушко Юл кундемшысе федерал округысо 14 регион гыч 27 команде ушнен.

Спортсмен-шамыч түрлө эстафетыште чулымлыкштым, пүсö уш-акылыштым, вийыштым тергеныт. Марий Элын изирак да кугурак ийготан ұдыр-рвезе-влакын командьшт (снимкыште) сай лектышым

ончыктен да икымше вер дене палемдалтын. Ынде нуно 1-10 августышто Пенза олаште эртаралтыше всероссийский тангасымашке ушнат.

Ўдыр-рвезе-шамычым да нунын тренерыштым ты сенгымаш дене саламлена. Ончыкыжымат кугу күкшытыш шуаш тыланена.

Оля МАЙКОВА.

Фотом Марий Эл Республикысе «Школа безопасности» толкынын «ВКонтакте» соцкылысе тўшказ гыч налме.

Российысе увер

«Зеркало будущего» проект радамыште 12-18 ияш ұдыр-рвезе-шамычлан түрлө мероприятий, конкурс эртаралтыт. Кином, мультфильмым, видеом войзедат, онгай сценарийым шонеда гын, зеркалобудущего.рф сайтыш 31 июль марте йодмашым колтыза.

«Мои финансы» всероссийский сотемдарче эстафете радамыште «Финанс лўдыкшыдымылык» теме дене түрлө лекцийым, модмашым, статьям, видеом ямдыленыт. Кумда увер – моифинансы.рф сайтыште.

30 сентябрь гыч 3 октябрь марте Архангельск олаште самырык шанчыен-влаклан «Полюс» всероссийский форум эртаралтеш. Мероприятийын «Первые» сменяшкыже шымлымаш пашалан кумылангыше 14-18 ияш ұдыр-рвезе-влакым вучат. Йодмашым 30 июль марте колтыман.

Марий Элысе увер

16-17 августышто «Йошка Еш» регион-влак кокласе III гастрономический фестиваль эртаралтеш. Медведево ипподромышто Российысе калык-шамычын кочкышыштым ямдылат, түрлө рецепт дене палдарат, еш дене каналташ кумдыкым келыштарат.

Йошкар-Оласе Национальный тўссымыктыш галерейыште «Ароматы лета» ончер почылтын. Тушто сўретче Екатерина Копылован пашаже-влакым 7 сентябрь марте ужаш лиеш.

Морко район Коркатово лицейыште тунемше Анита Забродина «Шарнымаш поезд» тўвыра да тунемме проектыш ушнен. Тудо 15 кече шуйнен. Ончычсо СССР-ын 15 элже гыч 200 утла тунемше Российысе да Белоруссийысе 15 олаште лийын.



Мондалтдыме пöлек

Коркатово лицейыште тунемше-влак (снимкыште) Арын-Муром-Дивеево маршрут ден святой шўлышан олаште экскурсий дене лийынна. Мыланна тыгай пöлекым Арын черкын настоятельже Николай Чузаев ыштен. Тудлан кугу таум ойлена. Морко районысо школлаште тунемше 28 ұдыр-рвезылан да туныктышо-шамычлан тыгай пиал шыргыжалын. Ме районысо сылнымут тангасымашке ушненна да Гавриил Яковлев лўмеш премий дене палемдалтынна.

Ме шнуй Серафим Саровскийын, Илья Муромецын, Петр ден Феврониян илыме верыштышт лийынна. Муромышто шнуй Илья Муромецын памятникшым ужынна. Тудо кугу да күкшö. Ока энгер серыште шке возымо почеламутнам лудынна. Денис Вячеславович видеош возен. Тиде экскурсий – мондалтдыме пöлек.

Коркатово лицейыште тунемше-влак.

Морко район.

Фотом лицейын архивше гыч налме.

Шинчымаш тўняште – чолга шўдыр

2024-2025 тунемме ийлам иктешлен, Марий Эл Республикым Вуйлатыше Юрий Зайцев тунемше-влакын всероссийский олимпиадыштын иктешлыше йыжынжын 7 призёржым, этнокультур предметла дене регион-влак кокласе олимпиадыште 12 сенгышым, Юл кундем федерал округысо интеллектуал олимпиадыште ойыртемалтше 4 ўдыр-рвезым да наставникыштым саламлен. Нунылан Марий Эл Республик Правительствын грантшым кучыктен. Тыгак пӧлек дене всероссийский олимпиадын регионсыо этапыштыже сенгышыш лекше 39 тунемше да этнокультур предметла дене республикысе турышто ойыртемалтше 11 икшыве палемдалтыныт.

Сенгымашышт дене куандарыше ўдыр-рвезе-шамыч коклаште Волжск олассе лицейыште 7-ше классым тунем пытарыше Алексей Никифоров лийын. Тудо математикулан, физикилан да информатикылан утларак тўткышым ойыра. Тений 7-ше классыште тунемше-влаклан физике, астрономий да информатике дене республикысе олимпиаде эртаралтын. Алексей физике да астрономий дене сенгыше лийын. Пўсӧ уш-акылан рвезылан пӧлек шотеш «Сириус» тунемме рўдерыш ўжмашым кучыктеныт.

– Рўдерыште 1 гыч 22 апрель марте лийынам. Ме тушто тунеммын



Алексей Никифоров, Марий Эл Республикым Вуйлатыше Юрий Зайцев, Елена Тимофеева.

на, экскурсийлаш коштынна, Сочи паркысе аттракционышто жапым эртаренна, – ойла Алексей. – Туштак физике дене всероссийский олимпиадым возенна. Призёрыш лекташ икмыняр балл ситен огыл гынат, шўлыканын омыл. Мыйын чылажат – ончылно.

Мӧнгыжӧ пӧртылмеке, Алексей вес кечынжак астрономий дене всероссийский олимпиадышке ушнен, кумшо верым сенен налын.

– Физике дене олимпиадылан ямдылалташ туныктышем Елена Владимировна Тимофеева полшен. Ме пырля заданийлам лончыленна, решатленна, – пал-

дара Алексей. – Астрономий дене ямдылалтме годым еш кузу полшышым пуэн: авам энэртишем лийын, а кочамын пӧлеклыме энциклопедийже шинчымашем пойдарен.

Кенеж каныш гынат, рвезе жапшым арам ок эртаре. Лицей пеленысе «Гаудеамус» лагерьыште программирований, робототехнике, математике да естественно-научный дисциплине-влак дене шинчымашыжым пойдарен. У тунемме ийлан ямдылалтеш.

Катя СЕРГЕЕВА.
Марий Элым Вуйлатышын
пресс-службыжын фотожо.

Калыкын ончыкылыкшо – самырык тукум



Алексей Сунгуров, Дарья Юрьева, Василиса Крылова, Валерия Веткина.

Тўналтышыже – 1-ше лаптыкыште.

– Слётшыш кокымшо гана толынам, – ойла рвезе. – Ты мероприятииыште палыме лийме ўдыр-рвезе-влак дене кылым тачат кучена.

Артур ден София 5-ше лужаш (отряд) логалыныт (чылаже тынар

лийын). Лужавуйышт – Дарья Юрьева. Тудо икымше гана слётшыш 8-ше классыште тунеммыж годымак ушнен улмаш. Кызыт И.С.Палантай лўмеш тўвыра да сымыктыш колледжыште шинчымашым пога.

– Тений ты сылне мероприятииыш кумшо гана толынам. Ынде

участник семын огыл, а лужавуй улам. Ўдыр-рвезе-влак икте-весе дене пенгыде кылым ыштышт, тунеммашке вараш ынышт код, тўрлӧ модмаште чолга лийышт манын тыршем. Иктаж йодышышт лектеш гын, рашемдаш полшем. Лужаштем чылан чолга, марий шўлышан улыт, – палдарыш Дарья.

Марий самырык тукум слёт – самырык снын ик эн йӧратыме, вучымо погынымашыже. Тушко ушнышо-влак палыме лийыт, танлалтыт, ешым чумырат, пырля пашам ыштат, тўрлӧ проектам «шочыктат». Ий гыч ийыш шуйнышо ты поро йўла теният пенгыдемдалтеш да сай лектышым ончыкта манын ўшанена.

Оля МАЙКОВА.
Авторын фотожо-влак.



«Лудо отро» кушто верланен?



Кажне кундем шке семынже мотор да кумылым савырыше. Тидым шекланен да умылен шуктыман. Йырым-йырысе тўням шымлаш йочам изинек кумыландыман да туныктыман. Тидым шотыш налын, «Движение Первых» толкын Всероссийский юннатский экспедицийым увертарен. Тушко йолташ-влак, еш дене ушнаш лийын. 30 июнь марте шым түрлө заданийым ыштеныт. Марий Эл Республикыште илыше-шамычат экспедицийыш ушненыт. Советский район Кельмаксоло школышто тунемше-влак Екатерина Беляева, Ева Комарова, Виолетта Трифонова (**снимкыште**) шочмо кундемыштым шымленыт. Нуным туныктышышт А.Н.Рассолова вуйлатен.

– Тыгай экспедиций моткоч пайдале да кўлешан. Йоча-шамыч шочмо верыште могай кушкыл кушмым, ялык ылым, шуки ден котшангым пален налыныт. Аралаш кўлмō верлаште лийыныт, – ойла Алевтина Николаевна. – «Пўртўс аптека» заданий пос-

нак онайла чучын. Ёдыр-влак эмшудо нерген шинчымашыштым пойдареныт. «Пўртўс архитектор» заданий почеш Кельмаксоло кундемысе эңер серлам шымленыт. Умдыр ылыме верым, тудын «уста чоньшо» улмыжым эскереныт. Мемнан кундемыште Йошкар книгаш пуртымо кушкыл-шамыч огыт куш гынат, шочмо вер эн лишыл.

Ёдыр-влаклан «Проект паша» заданий эн нелыла чучын. Нуно «Закольцованная экотропа» маршрут ыштеныт. Тудо 2 километр кутышан, кенез пагытлан келыштарыме. Школ кудывече

гыч тўналын, корнышт Шуда-Сола эңер деке шуйна, пўнчерлаш савырнат, плотинам эскерат, тушеч «Лудо отро» йўштылмō верыш куснат. Тыге шочмо кундемысе сылне верлам авалтат. Тиде маршрут почеш ончыкыжым йоча-шамычым экскурсий дене коштыкташ шонат.

– Мыланна экспедиций пеш келшен. Шочмо кундем деке утларак лишеммыла чучын, – ойлат ёдыр-влак. – Налме шинчымашым ылышыште кучылташ тунемына да пўртўсым шымлаш кумыланьна.

Людмила ГРИГОРЬЕВА.
Фотом школ архив гыч налме.

Мўйжат, шылжат йомын

Кенез – смышым погым пагыт. Тений мыят авам дене пырля снегылан коштам. Тыге ик кечын Мўшыл куп деке миен лекна. Молан куплан тыгай лўмым пуэныт манын йодмемлан авам тыге вашештыш:

– Ожно ик поян марий калык деч шылым да мўйым шылташ шонен. Тидлан чодыра тўрысō келге лакым ойырен. Икмыняр жап гыч тушко кугу вўд толын. Марийын поянлыкше вўд йымак каен.

Теве кузе пўртўс опкын еным туныктен улмаш. Шылтыме мўй ден шыл ны калыклан, ны шкаланже логалын огытыл.

Элеонора НИКИТИНА.
Морко, Купсоло.



Марий паркышке

Йошкар-Олашке мийымына годым Марий паркыш пурышна. Йырже ончен эртышна. Шке районна нерген уверым ужмек, Ксюша шўжарем дене (**снимкыште**) йывыртышна. Моло районла денат палыме лийна. Вара пу скульптур-шамыч шинчалан пернышт. Кажныжым тўслен ончышна. Тыгайым пўчкедаш могай

кугу мастарлык кўлеш, шоналтышна. Марий тўран тентгылыште шинчышна, лўнгалтышыште шертеммеш лўнгалтышна. Йоча площадкыште модна. Кугу сценышкат шогалын ончышна. Марий паркыште моткоч келшыш.

Алина СУББОТИНА.
2-шо номеран Морко школ.
Фотом еш архив гыч налме.



Финн-угор калык-шамычын республикысе фестивальыштышт, «Росток» республикысе калык усталык конкурсы фестивальыште, йоча фольклор коллектив-шамычын «Звонкая капель» республикысе фестивальыштышт, всероссийский йоча фольклориадыште да ятыр моло вере мастарлыкштым ончыктеныт да сеныше-влак радамыш лектыныт.

– Ме шке кундемысе, кумдан палыме муро-влакым, такмак-шамычым мурена. Ончыкыжым репертуарым пойдараш шонена, – ойла Валентина Сидорова.

Христина АЛЕКСАНДРОВА.
Фотом ансамблын архивше гыч налме.

Марий Эл деч тораште илыше-влак марий улмышт дене утларак кугешнат. Марла кутырымо деч посна марла мурат, куштат, ансамблым чумырат. Теве Татарстан Республик Менделеевск олаште С.Гассар лумеш тўвыра полатыште «Эрвел» марий муро калык ансамблын спутник коллективше (снимкыште) пашамышта. Тудым Татарстан Республикысе тўвыран сулло пашаенже В.К.Сидорова вуйлата.

– Коллективыш 9-14 иаш куд ўдыр коштеш. Чыланат марий

ача-аван икшывышты улыт, манаши лиеш. Кугезыштын тўвыраштым, йўлаштым палышт манын, кугыен-шамыч азапланат. Ача-ава-влаклан эфertyш улмыштлан, пылышкалымыштлан кугу тау! – ойла Валентина Капитоновна.

Ўдыр-влак Менделеевск олаште эртаралтыше чыла гаяк мероприятийыште мастарлыкштым ончыктат. Ик эн чолга участник, Настя Петрова, Озан олаште Татарстан Республикын Раисше (Вуйлатыше) Рустам Миннихановлан марий мурым йонгалтарен.

Ансамбль дене – тенгыз серыш

«Эр ўжара» йоча ансамбль (снимкыште) дене тўрлő конкурсышко, фестивальышке чўчыкын ушнана да сенышыш лектына. Тидлан Татарстан Республикысе Образований да науко министерстве Шем тенгыз серыште верланыше «Глобус» лагерьыш путėвкым пőлеклен. Ты сменяшке усталык шўлышан ўдыр-рвезе-шамыч погыненыт. Ик кечат яра эртен огыл. Шуко мероприятийыште марла куштенна. Дискотекашты эсогыл марий семым колташ йодынна. Руш, татар, одо йоча-влак марла кушташ тунемыныт. Марий тывырдык изижланат-кугужланат келшен.

Шем тенгыз серыште каненна, Азов тенгызшты йўштылынна. Спорт мероприятийлаштат танасенна. Сенышыш ятыр гана лектынна да мőнгő шуко грамотым конденна. Эше «Мисс



и мистер лагерь» конкурс эртаралтын. Татарстан Республикысе Агрыз район гыч одо ўдыр да ансамбль гыч эрге, Роман Миляев, сенышыш лектыныт. Тидлан

моткоч куаненна. Мőнгő нőлтшő кумыл дене пőртылынна!

О.А.ИЗИБАЕВА.
Татарстан, Агрыз, Буймо.
Фотом ансамблын архивше гыч налме.



Гармонь семым йөрәтә

Республикысе марий түвыра рүдер пеленысе «Падыраш» йоча ансамблым ятыр гана сценыште ужаш логалын. Участник-влак койышышт, мастарлыкышт дене каже ончышым шкешт деке савырат. Тачысе лаштыкын геройжо, ты коллективын ик чолга шұдыржө – Богдан Тымбаршев (снимкыште).

Рвезе Йошкар-Олаште ила. Калыкле сымыктыш гимназийыште 3-шо классым тунем пытарен. «Падыраш», «Онар» йоча ансамбль-влакын участникше. Баяным, гитарым шокта, фортепианыште кидше модеш веле. Тұмырым кыра, утларакше гармонь семым йөрәтә.

Кұмыж-совлат – семұзгар

Йочан мастарлыкшым изиж годым шекланен шуктыман да чын корныш виктарен моштыман. Богданын талантшым аваже Наталья Георгиевна Антропова вигак шекланен.

– Изиракше годымак йырже кұмыж-совлам шында да перкален шинча ыле. Иктаж кок ий эртымеке, гармоньым шупшкедаш тўналын. Семұзгар шенгеч вуйжо веле коеш ыле. Икымше классым Йошкар-Оласе 2-шо номеран школышто тунем пытарен. Тылеч вара Эвелина акаже Калык-



ле сымыктыш гимназийыш колташ темлен. Изиш ямдылалтын, икымше тергымашке каенна. Эргымым вигак баян классыш налын, – ойла Наталья Георгиевна.

Талант памаш шолеш

«Кө дене кылым кучет, тудын гай лият», – маныт калыкыште. Богданлан уста ең-влак дене вашлийын мутланаш, нунын деч тунемаш келша. Кресачаже, мурызо Вадим Краснов, эре ой-кагаш дене полша. Икымше семым Богданлан тале гармонист Александр Лопкин тунуктен.

– Иктаж семым колмеке, вигак шоктен кертам. Ялыш але иктаж-куш вес вере унала каена гын, пеленем эре гармоньым налам, – манеш уста рвезе.

Чылажат еш гыч тўналеш

Богданын Сергей кугезе кочаже тале гармонист лийын. Ачаже Алексей Иванович Тымбаршев кушташ да мураш тале. Сўаныште ятыр

гана савуш лийын. Кызыт сварщиклан пашам ышта. Богданын аваже пачерым олмыктымаште тырша. Эргыжын каже гаяк выступленийышке коштеш, ой-кагаш дене полша, лыпландара, ўшаным ешара. Акаже Эвелина Антропова Марий кугыжаныш университетыште икымше курсым тунем пытарен. Филолог лияш ямдылалтеш. Тудо кушташ йөрәтә. Кандашымше классыште тунеммыж годым «Марий памаш» ансамблыш ушнен да кызтат тушко коштеш. Богданын лишыл еңже-влакым снимкыште ужыда.

– Мыйын яра жапем шукак огыл. Репетиций-влак чўчыкын лиедат. Тўрлө концерт ден конкурслаш ушнем. Каныш кечылаште ача-аван шочмо кундемшыкышт, Кужэңер район Марий Шой да Кораксола ялаш, кудалыштына, – палдарыш Богдан.

Оля МАЙКОВА.

Авторын да еш архив гыч налме фото-влак.



Марий пайрем

28 июньышто Йошкар-Олаште Пеледыш пайрем эртаралтын. Тений тудо икымше гана Марий паркыште лийын. Тушко мыят миенам. Игече юалгырак лийын гынат, калык пайремыш погынен. Республикысе районла гыч ансамбль-влак мастарлыкшым ончыктен. Тора кундемла гычат делегаций-шамыч рўдолашке толыныт. Муро ден куштамаш каже еңын кумылжым нўлтенит, спорт тагасымаш таза илыш-йўлам ку-

чаш таратен. Мотор марий вургем пайремым утыр сўрастарен.

Каже районын кудыштыжо верысе ойыртм дене палдареныт. Мыланем У Торъял районын (снимкыште) утларак келшен. Кидмастар-шамычын ончырыштышт сўрастарышым, тўрлө арверым ужаленыт. Ончен кошташ, ум пален налаш мыланем келшен.

Юлия ЯГОДАРОВА.

Советский, Кельмаксола.

Михаил СКОБЕЛЕВЫН фотожо.



11 июль – Шоколадын кечыже.

Шере сий

Шоколадын историйже мемнан эра деч 1500 ий ончыч тўналын. Эн ондак какао лийын. Шоколадым напитек семын йўныт. Индеец-влакын йылмышт гыч тудо «кочо вўд» але «вўд да шонг» манын кусаралтеш. 1828 ийыште голландский шанчыен Конрад ван Хаутен гидравлический прессым шонен луктын. Какао-ўйым ышташ тўналын. Тыге шоколад пенгыдемын. Рос-

сийышке шоколад Екатерина II кугыжалан кўра толын.

Йошкар-Оласе 80-ше номеран йочасадыш коштшо икшыве-шамычлан (снимкыште) йўратыме кочкышышт нерген тўрлў уверым иквереш чумыренам. Нунылан «Маша и медведь» мультфильм гыч Маша каласкала. Шарныза: тутло сийым шуко кочкаш ок лий!

Надежда ГОДУНОВА.
Авторын фотожо.


13 июль - Уштодыш модышын тўнямбал кечыже.

Пайдале модыш

Ксения КУЗЬМИНА, Шернур, Койсола: «Уштодыш нерген колмеке, вигак Рубикын кубикшым шарналтем. Ончыч мый тудым школ пеленысе лагерьыш коштмо годымат, мўнтыштат пўрдыктылам ыле. Чыла могырыштат икгай тўс лийже манын, ятыр тыршаш логалын. Кызыт модышым кидышкешуэнрак налам».



Дарина ЗОРИНА, Килемар, Арде: «Кроссвордлан вашмут-влакым кычалаш йўратем».



Шукыж годым шкетын решатлем, нелырак гын, йолташем-шамыч деч полышым йодам. Тыгак ме тўрлў ўстел модыш дене модына. Нуно уш-акылым виандат».

Олеся ПЕТРОВА, Морко, Корка-тово: «Мый уштодыш-влак дене телефонышто модам. Тидлан икмын-яр приложений уло. Икте шотлаш тарата, весе тўрлў фигур-влакым, кўчык жапыште радамлен, иквереш опташ йодеш. Тыгай модыш-шамыч шонаш туныктат».



Оля МАЙКОВА мутланен.
Авторын фотожо-влак.



Историйым шергалына

1943 ий 12 июльышто Кугу Ачамланде сар годым Прохоровка посёлко воктене совет да германский армий-влак коклаште танк дене кугу крдалмаш лийын.

1944 ий 13 июльышто «Багратион» операций годым Литван рўдолажым, Вильнюсым, фашист тўшка деч утарыме. Тидын лўмеш 324 орудий гыч 24 залпан салотым пуымо.

1410 ий 15 июльышто руш войска да тудын союзникше-влак Грюнвальд крдалмаште (Польша) немыч рыцарь-шамычым сегенят.

Лудаш темлена

18 июльышто Звенигово район Стапан ялеш шочшо йоча серызе Аркадий Богдановлан 85 ий темеш. Самырык лудшо-влаклан 12 книгам пўлеклен. 2005 ийыште «Кайык Онар дек чонешта» йомак-поэме эн сай йоча книга семын палемдалтын. Ёчим шукташ шонышо порсынвуй кайыкым кузе лыпландарыман? Вашмутым поэмыште кычалза.

Совет писатель Лев Кассиль йочалан ятыр произведенийым возен. «Зелёная веточка» ойлы-машын геройжо-влак дене палыме лияш темлена. Тўн герой умыла: кеч-могай айдемын лшкыдо верже – «ужар укшыжо» – уло. А те кузе шонеда?

Муми-тролль нерген колында, шонем. Изи да бегемотла койшо герой дене мемнам финн-швед серызе Туве Янссон палымым ыштен. «Маленькие тролли и большое наводнение» книгам шергалын лекса.

Катя СЕРГЕЕВА ямдылен.



0+

Марий Эл Республикысе «Марий Эл» увер агентстве» КАУ.
Директор – Е.И.КУЗНЕЦОВ.
Тўн редактор – А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра, печать да калык-влакын пашашт шотышто министерстве,
Марий Эл Республикысе «Марий Эл» увер агентстве» КАУ.

Редакций да издатель: Марий Эл Республикысе «Марий Эл» увер агентстве» КАУ,
424006, Йошкар-Ола,
СССР Вооружённый Вийын 70-ше идалькыше урем, 20-шо порт.
Тел. 8(8362) 45-22-82.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме.
Типографийын адресше: 424000, Йошкар-Ола, Комсомольский урем, 112.

Печатьыш пуымо жап – 14-00, фактически – 13-00.

Авторын да редакцийын шонымашышт тўрлў лийын кертят. Серыш-влак мўнггеш огыт колталт. Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru (автор-влаклан)
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01404,
2023 ий 22 сентябрьыште пуымо.

У конкурс

«Эн сылне пеледыш – мемнан пакчаште»



Арина АЛЕКСАНДРОВА.
Йошкар-Ола.

Кенежын ик поянлыкше – түр-лө түсан пеледыш. Нуным ава, кова, ака-влак ончен кушташ пеш йоратат. Шонанпылым ушештарыше түс дене волгалтше сылнылыкым ончен чон куана. Моторлыкым ужаш, аклаш да шке гыч тыгай сбраллыкым ышташ йочам изинек туныктыман. Тыге икшыве пүртүсым шымлаш, эскераш да тудым перегаш кумыланеш.

У фотоконкурсышко ушнаш манын, пакчаште кушшо эн сыл-

не пеледыш дене фотом ыштыза. Пашада-влакым «ВКонтакте» соцкылысе «Ямде лий» – марла йоча газет» түшкашке сообще-ний дене колтыза. Фото пелен заметкым возаш лиш. Тыге ешартыш лайкым погаш йон уло. Эн шуко лайкым погышо фотон озаже сенгышыш лектеш. Түткө лийза. Йүкышб группын подписчикше лийшаш.

Конкурсин организаторжо – Марий Эл Республикысе «Марий Эл» увер агентстве» КАУ.

Ешартыш лайкым кузе погаш?

Сенгышылан – чапле пöлек.

Пашадам 29 сен-тябрь марте вучена.

400 лайк: 2025 ийын кокымшо пелийжылан «Ямде лий» газетлан почто гоч подпискым ышташ да квитанцийжым але копийжым редакцийышке колташ.

200 лайк: электрон подпискым ышташ. 89371178238 номеран телефон дене Сбербанкыш

оксам колташ але тиде номерышке 200 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынарак лайкым налеш.


100 лайк: фотода пелен пакчаштыда кушшо эн сылне пеледыш нерген заметкым

возаш. Тудым газет лаштыкклаш савыктена.


Ушештарена мыняр шукарак подпискым ыштеда, тунар шукарак лайкым погаш йон лиш. Тугеже газетлан возалташ родо-тукумдамат ушен кертда.

Рекламе.

Шотлыза.



Енот-влаклан кочкыш марте миен шуаш полшыза.



Икгай сүретым кычалза.



Пурла вельсе сүретым ончен, мола могырышто цифр-влакым ушыза да чиялтыза.

